

Bases reguladoras

1.- Obxectivo:

O II Concurso Xuvenil de Microrrelatos de Amnistía Internacional, está organizado pola Rede de Escolas de Amnistía Internacional de Vigo.

O seu obxectivo é fomentar a reflexión sobre a campaña: Primeiro as persoas, logo as fronteiras que se está a levar adiante na Rede de Escolas polos Dereitos Humanos de Amnistía Internacional durante este curso.

2.- Participantes.

Poderá participar neste concurso calquera persoa maior de 14 anos matriculada nun Instituto de Ensino Secundario da provincia de Pontevedra. No caso de participantes que sexan menores de idade no momento de aceptar as presentes bases, deberán estar asistidos por aquela persoa que ostente a súa tutela legal.

Non serán admitidas ao concurso aquelas persoas que faciliten datos non veraces ou incorrectos.

3.- Requisitos do concurso.

O prazo para enviar os relatos será dende o **8 de xaneiro ata o 15 de febreiro de 2016**. Ámbolos días incluídos.

Cada autor/a poderá presentar un máximo de 1 microrrelato.

O contido do texto deberá estar relacionado co tema sinalado: **Primeiros as persoas, logo as fronteiras**. Os dereitos humanos das persoas refuxiadas. Dereito ao asilo. O dereito á libre circulación das persoas. A resposta internacional na actualidade. A resposta da xente...

A imaxe do cartel, dúas irmás separadas por unha fronteira, suxire moitas emocións e ideas que poden servir como punto de partida ao texto.

O microrrelato terá unha extensión máxima de 250 palabras, sen incluír o título. Poderá redactarse en galego ou castelán. Deberá ser orixinal e inédito, entendendo como tal aquel que non se publicase en ningún medio ou soporte e non recibise previamente premio algún noutro certame ou concurso.

Remitirse a través dun formulario web que estará dispoñible na páxina web de Amnistía Internacional Vigo:

<https://www.es.amnesty.org/ga/grupos-locais/galicia/grupos/vigo/paginas/inicio/>

onde constarán os seguintes campos de información: Nome e apelidos do/a autor/a, idade, correo electrónico de contacto, teléfono de contacto, datos do centro dende o que participa, título e texto do relato.

Non se admitirá a concurso ningún relato enviado fóra de prazo, que a organización considere ofensivo ou difamatorio ou que vulnere as bases deste concurso.

A publicación dos resultados do concurso será o 4 de marzo de 2016. Os microrrelatos publicaranse na páxina web de Amnistía Internacional Vigo e no facebook oficial do grupo local de Vigo.

As persoas autoras dos relatos cederán gratuitamente a Amnistía Internacional os dereitos editoriais de reprodución, distribución, transformación, comunicación pública e outros dereitos necesarios para a comercialización total ou parcial do mesmo en calquera soporte e polo período máximo que permita a lexislación.

Así mesmo responderán ante Amnistía Internacional da autoría e orixinalidade do microrrelato, asumirán total responsabilidade fronte a calquera reclamación que puidese ser efectuada por terceiras persoas neste sentido. Serán tamén responsables ante calquera reclamación de terceiros relativa ao compromiso contraído polo autor ou autora e que puidese afectar aos dereitos que correspondan a Amnistía Internacional de conformidade co estipulado nas presentes bases.

4.- Premios e xurado.

Neste certame concederanse catro premios. Dúas modalidades con dúas categorías determinadas pola idade.

Modalidade 1: Premio ao microrrelato mellor valorado por un xurado seleccionado polo Comité de Amnistía Internacional Vigo, que estará presidido por un escritor ou escritora.

Establécense dúas categorías:

A.-Autores e autoras con idades comprendidas entre os 14 e 16 anos.

B.-Autores e autoras con idade superior a 16 anos.

Modalidade 2: Premio ao microrrelato máis popular: os microrrelatos colgaranse na páxina web do Facebook oficial do Grupo Local de Amnistía Internacional de Vigo durante un prazo dunha semana dende a súa publicación, e os seguidores desta web poderán votar mediante a opción "gústame". Aquel relato que máis votos obteña será o gañador. Nesa publicación, para preservar a obxectividade, non aparecerá o nome do/a autor/a e os relatos inseriranse aleatoriamente.

Facebook: <http://www.facebook.com/pages/Amnistia-Internacional-Vigo/301243608800#!>

Nesta modalidade establécense tamén dúas categorías:

A.-Participantes con idades comprendidas entre os 14 e 16 anos.

B.-Participantes con idade superior a 16 anos.

Os catro premiados recibirán unha escultura de Amnistía Internacional e un lote de libros.

5.- Protección de datos de carácter persoal.

Os datos de carácter persoal facilitados neste concurso, serán tratados conforme á política de privacidade de Amnistía Internacional España que está recollida na seguinte páxina web: <http://www.es.amnesty.org/politica-de-privacidad/>

6.- Aceptación das bases.

A participación supón a aceptación expresa de todas e cada unha das bases do concurso.

O incumprimento dalgunha das bases dará lugar á exclusión do participante.

En caso de existir dúbidas ou discrepancias na interpretación das bases, o Comité de Amnistía Internacional Vigo realizará unha interpretación atendendo á finalidade para a que foi creado este concurso.

As bases estarán dispoñibles na páxina web de Amnistía Internacional Vigo durante o tempo que estea vixente o mesmo.

AMNISTÍA
INTERNACIONAL



 Rede de Escolas polos Dereitos Humanos